



# ज्वजलपा वाःपौ

JWOJALAPA WEEKLY

दैं द ल्याः १७ (पूर्णडक १६४) ने. सं. ११३८ थिलाश्व पार आइतवाः २०७४ मंसिर ०३ गते आइतवार (Nov- 19, 2017)

मू द १- पृष्ठ द

## निगू ज्यापु महागुथिया विशेष मंकाः साधारणसभायासैं एकीकरणया घोषणा आः एकीकरण जूगु संगठनया नां 'ज्यापु महागुथि नेपाः २०५०'

### ज्वजलपा वाःपौ

ता ई तक कुतः याना अन्ततः निगू ज्यापुतयूगु संगठनया औपचारिक रुपं एकीकरण जूगु घोषणा याःगु दु । मंसिर २ गते शनिवाः योया नेपाः ब्याकेटय् उगु घोषणा सभा याःगु खः । निगू हे संगठनया विशेष मंकाः साधारणसभा येंय्यासैं अथे एकीकरणया घोषणा याःगु खः ।

एकीकरण समन्वय समितिया कजि कालु महर्जनया सभापतित्वय् जुगु उगु ज्याभवलय् ज्यापू महागुथिया नायः राजभाई जकःमि व श्रीज्यापु महागुथि नेपाःया नायः सन्त महर्जन न्ववानादीगु खः । घोषणा सभाय् निगू महागुथि एकीकरण लिपा न्हूगु नां कथं आः ज्यापू महागुथि नेपाः २०५० जुगु दु ।

उगु समारोहया उलेज्या वरिष्ठ समाजसेवीपिं येंपाखें प्रयाग राज सिं सुवाल, यलपाखें देव बहादुर डंगोल व ख्वपपाखें भक्त बहादुर घःजुं मंकाः कथं यानादीगु खः ।

उगु मंकाः विशेष साधारणसभापाखें खुलाया दुने तःमुँज्या यायेगु खँ क्वःछिसें लोककवि राजभाई जकःमिया अध्यक्षताय् ७१ सदस्यीय तःमुँज्या तयारी समिति गठन याःगु दु ।

अथे हे नीछ्महेसिया सचिवालय् नं गठन याःगु दु । तःमुँज्या तयारी पुचःया पदाधिकारी नायः लोककवि जकःमि, वरिष्ठ न्वकू



सन्तु महर्जन, न्वकू सत्यनारायण डंगोल व कृष्ण बहादुर घःजु, मूछ्याञ्जेय् मचाराजा महर्जन, छ्याञ्जे पूर्ण नारायण महर्जन व गिरीधर डंगोल, दांभरीइ रमेश महर्जन व ल्यूदांभरीइ हिराशोभा महर्जनयात ल्यःगु दु । उगु कथंया तःमुँज्या खसः खलकय् पीस्वम्ह ज्यापु महागुथिपाखें अले नीच्याम्ह श्री ज्यापुमहागुथिपाखें दुथ्याकूगु दु । उगु विशेष मंकाः साधारणसभापाखें तयार याःगु विधान कथं

आः तःमुँज्या जुइ धाःगु दु । उकिया नितिं शान्तराज महर्जन कजि जुयादीगु न्याम्हेसिया निर्वाचन समिति नं नीस्वंगु दु ।

नेपालमण्डल भीगु पौरख नेपालभाषा भीगु गौरव धइगु मू नारा तर्क तयार याःगु दु । अथे हे ज्यापु समाज यलसिसे कार्यगत एकता याना वनेगु, ३ नम्बर प्रदेशया नां नेपालमण्डल धकाः तयेमाःगु माग नं याःगु दु ।

सबैका लागि समृद्धि, सबैलाई सम्मान, राज्यसत्ताका सबै तहमा सबैको पहुँच समान

## नयाँ शक्ति पार्टी नेपाल

काठमाडौं क्षेत्र नं. १० का उम्मेदवारहरु

आंखा चिन्हमा छाप लगाई नयाँ शक्ति पार्टीका उम्मेदवारहरुलाई अत्याधिक बहुमतले विजयी गराऔं ।



यूवा नेता पञ्चलाल महर्जन

उम्मेदवार, क्षेत्र नं. १०

संघिय प्रतिनिधि सभा सदस्य



आंखा चुनाव चिन्ह

समाजसेवी केश रत्न बज्राचार्य  
उम्मेदवार प्रदेश सभा 'क'  
सदस्यसमाजसेवी होम प्रसाद रिजाल  
उम्मेदवार प्रदेश सभा 'ख'  
सदस्ययूवा नेतृ आशा कुमारी तामाङ  
उम्मेदवार संघिय (समानुपातिक)  
सदस्ययूवा नेता सुरेस खड्गी  
उम्मेदवार प्रदेश सभा (समानुपातिक)  
सदस्य

पुराना शक्तिलाई ह्यौं पटक पटक, नयाँ शक्तिलाई हेरौं यस पटक





## ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

रामभोला महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

### सम्पादकिय

## ज्यापु महागुथिया एकीकरण पाखें बिउगु सन्देश

यैया ज्यापुत विभाजित जुल । ज्यापुत विभाज जूगु अवस्थाय् ज्यापुतय्सं ज्यापुतयगु नितिं हु याइ ? यैय् ज्यापु महागुथि व श्री ज्यापु महागुथि याना निगू दुगुलिं थुगु कथंया न्हयसः न्हापानिसे व्वलना वयाच्वंगु खः । ज्यापुत धाइपिं मिले जुइ मफुपिं धकाः तर्क मनुतय्सं धायेगु याना वयाच्वंगु खः । ता ई तकया कुतः लिपा ज्यापु महागुथि व श्री ज्यापु महागुथि एकीकरण जूगु दु । थथे निगू ज्यापु संगठन एकीकरण जूगु तसकं लसताया खँ खः । आवलिं ज्यापु महागुथि नेपाः २०५० धकाः तर्क नां तःगु दु ।

ज्यापु महागुथि एकीकरण जूगुलिं ज्यापुतला लय्ताइगु स्वाभाविक हे खः । ता ई तक विभाजित जुया नं यैय् च्वपिं ज्यापुत एकता जूगु खना बौद्धिक मनुतय्सं तर्क बांलाःगु ज्या जुल धकाः तर्क धायेगु यानाहःगु दु ।

ज्यापु महागुथि व श्री ज्यापु महागुथि एकीकरण जूगुलिं आः यैय् ज्यापुत विभाजित जूगु मदु, सकले छप्पें जुल धकाः तर्क थुइकीगु अवस्था व्वलंगु दु । ता ई तकया कुतः लिपा एकता जूगुलिं ज्यापु महागुथिया नेतृत्वयात नापं श्री ज्यापु महागुथिया नेतृत्वयात सकलसिन् सुभाय् विइगु स्वाभाकि हे खः । यैया ज्यापुत विभाजित जुल धकाः धायेगु याना वयाच्वंगु इलय् वया ज्यापुत एकीकरण जूगुलिं थ्व नेवाः समाजया नितिं छगू बांलाःगु ज्या जूगु दु धकाः धायेफइगु अवस्था दु ।


### गजल शौरभ शाक्यया

गजल-५३



वइत खनेवं, नुगलय् बुयावः गजल  
वं न्हिलाःस्वयेवं, अथें लुयावः गजल ।  
वइगु खँपुया मर्म, नुगःहे थुन्दिउ पासा  
काफिया व रदिफं, भाव थुयावः गजल ।  
वं छयगु पलाः पतिं, यःसुया छायपा  
मतिनाया खँवल्, चुयावः गजल ।  
सिमा कचाय् च्वना, म्ये हाःम्ह भंग  
बसन्तया लसय् सुरं, पुयावः गजल ।  
मिखा, मिखा त्वाना, जःवल मतिनाया  
म्हःछम्ह कुसाथें, कुयावः गजल ।

## नेवाः सरोकार क्यनेगुया औचित्य



नरेशवीर शाक्य

निगू चरणय् जुइगु प्रतिनिधि सभा सदस्य व प्रदेश सभाया निर्वाचन सतिना वलिसे निर्वाचनया माहौल क्वानावःगु अनुभव जुयावःगु दु । उम्मेदवार व उमि कार्यकर्तात थःपिनि समर्थकतय् निर्वाचनय् त्याकेगु नितिं अनेक ज्याभवःत यानाच्वंगु खंके फइ । भविष्य देय्यात समृद्धिपाखे यंकेगु, जनतायात अधिकार सम्पन्न यायेगु म्हगस इनेगु ज्या थुमिसं यानाच्वंगु खंके फइ । तर मुलुकं छु राजनीतिक नियती काइ, कन्हय्या खँ तिनि । मुलुकय् छगू वर्ग व जातिं राज्य सत्ताय् हालिमुहालि यानाच्वंगु खँ आः 'अनुसन्धान'या विषय मखये धुंकल । थःपिनिगु वर्चस्व त्यंकेया नितिं न्ह्याथेंजाःगु ज्या यायेफु धयागु खँ आःया निर्वाचनया गठबन्धनं क्यनाच्वंगु दु । जनतायात अर्भं आश्वासन जक बियाः राज्यसत्ताय् थ्यंके फइगु म्हगस अर्भं खंकाच्वंगुया प्रमाण थुपिं राजनीतिक पार्टीया घोषणा पत्रं सीका काये फइ ।

देय्या बहुसंख्यक आदिवासी जनजातितय् आःया राजनीतिक पार्टीतय्सं थःपिनिगु भोट बैक बाहेक मेता मतायेकूगु आभास आः नं खंकेफइसा छथः अधिकारकर्मी धाःपिं थुमि हे गुप्त कार्यकर्तातय्सं अर्भं नेवाः लगायत आदिवासी जनजातितय् भ्रम इनेगु ज्या याना हे च्वंगु दिन । नेपाःया संविधान पिहां वयेसाथं थ्व संविधान अपूर्ण, माने याये फइमखु धकाः तितिं न्ह्या जूपिं नेवाः नेतात नं आः वयाः थ्व निर्वाचनयात सदुपयोग यायेमाः धकाः 'नेवाः सरोकार'या भ्रम इनेगु ज्या यानाच्वंगु खनेदत । सलंसःदँ राज्यपाखें भाषा, जाति, संस्कृति व धर्मया खँय् उत्पीडनय् लायेधुंकाः थुकिा निराकरण संघीय लोकतान्त्रिक गणतन्त्र जक जुइ धकाः जनतां स्थापित याःगु मान्यतायात कःघानाः नेवाः राज्य स्थापनाया नेतृत्व छथः नेतातय्सं याःगु खः ।

थःपिंत हे दकले अप्वः क्रान्तिकारी कथं न्ह्यव्वयाः थःपिसं धाःकथंया संविधान मबल धाःसा आत्मदाह यायेगु शंखनाद याःपिं नेवाः नेतात आः वयाः थ्वहे अपूर्ण संविधानया बः कयाः जुइत्यंगु निर्वाचनय् 'नेवाः सरोकार' धकाः हाकनं नेतृत्व यायेकथं थःपिंत व्वयेगु ज्या यानाच्वंगु तःधंगु विडम्बनाया खँ खः । नेवाः स्वायत्त राज्यया स्थापना मजुइकं नेवाःतय्गु भविष्य सुरक्षित मदु धयागु खँ तःकथं पिदने धुंकूगु दु । नेपाःया संविधान पिदंगु इलय् आः थुगु हे संविधानयात नाला कयाः अधिकतम उपयोग यायेमाः धकाः न्ह्यचिलाच्वपिंत हे संघीयता विरोधी धकाः बयवय् याना जूपिं आः वयाः 'नेवाः सरोकार' धकाः न्ह्यलुवा जुइत स्वयेगुया औचित्य छु ? न्ह्यागु इलय्, न्ह्याथाय् नं थःपिं हे नेता खः धयागु भ्रम व्वलंकेगु नितिं बाहेक मेता मखु धयागु स्पष्ट सी दु ।

नेपाःया राजनीतिक पार्टीतय्सं सर्कसतं समान अधिकार बिल कि देशय् विखण्डन वइ धकाः राजनीतिक पार्टीया बम्हू अध्यक्षतय्सं नेवाः लगायत बहुसंख्यक आदिवासी जनजातितय् लखय् मिखा कंकातःगु हे खः । थुकी नेवाः नेता जुइ न्ह्याःपिसं दुने छता पिने छता ज्या यानाच्वंगु आः सुचुके माःगु खँ मखये धुंकल । छगू इलय् नेवाः स्वायत्त राज्य दयेके धकाः छगू लाख नेवाःतय्गु जुलस मुंके फूगु नेतृत्व धाथें हे नेवाः स्वायत्त राज्यपाखे प्रतिवद्ध खःसा आः थ्व मुदायात त्वःतेमाःगु कारण हे छु दु ? राजनीतिक उतार चढाव सामान्य प्रक्रिया खः । थ्व मुदा आः नेवाः नेता धाःपिसं त्वःतूगुया कारण धयागु हे उमि 'आका'तय्सं थ्व मुदा त्वःतूगुलिं खः । अले आः उमिसं ज्वनाच्वंगु पहिचान विनाया संघीयताय् 'नेवाः सरोकार' क्यनाच्वनेगुया औचित्य छु ? गुगु थासय् पहिचान हे मदु, अन छाय् क्यनेगु नेवाःतय्सं सरोकार ?

देशया बहुसंख्यक आदिवासी जनजातितय्गु हितया नितिं माःगु व्यवस्था धइगु पहिचान सहितया संघीयता हे खः । समान अधिकारया बाँडफाड खः । थुकिा नितिं जागरणया आवश्यकता दु । जातीय पहिचान व गौरवया खँ हरेक जातिया मनुतय्सं थुइके माःगु आवश्यकता दु । जातीय पहिचान व गौरवया खँ गनं

स्कूल कलेजया पाठक्रमय् दुथ्यानाच्वंगु मदु । मातृभाषाया माध्यम शिक्षा काये फयाच्वंगु मदु । दकलय् न्हापां थुज्जःगु खँय् अधिकार सम्पन्न जुइमाल । यदि अधिकार प्राप्तीया लँपु संघर्ष खःसा थुकिा नितिं तयारी जनशक्ति निर्माण लुखा नं चायेके माल । मुलुकय् सैद्धान्तिक राजनीतिया आस्था गन दु धयागु खँ आः मालेमाःगु अवस्था वयेधुंकूगु दु ।

आःया निर्वाचनय् विपरित राजनीतिक सिद्धान्तया धुवीकरण जक मखु, अधिकार प्राप्तीया आन्दोलनय् आन्दोलनकारीतय् गोली कयेकि धकाः सिंहदरवारय् च्वना आदेशः विउपिं, राज्यया सम्पत्ति दुरुपयोग यात धकाः अदालतय् मुद्दा फयाच्वपिं, भ्रष्ट धकाः प्रमाणित जुइधुंकीपिं, अपराध पृष्ठभूमिया मनुतय् हे थुपिं राजनीतिक पार्टीतय्सं प्रतिनिधि सभा, प्रदेश सभाया उम्मेदवार धकाः व्वहलय् क्ववियाः निर्वाचनय् कुहां वयाच्वंगु दु । थुज्जःगु निर्वाचनं त्याना वइपिं मनुतय्सं देशयात समृद्धिया लँपुइ यंकी ला धयागु खँय् मतदाता थःपिसं हे न्ह्यसः थनेमाःगु दु । थुज्जःगु प्रवृत्तिया पृष्ठपोषक राजनीतिक पार्टीतय्गु अस्तित्व धयागु हे पहिचान सहितया संघीयताया अवसान खः ।

बहुभाषिक, बहुजातीय व बहुसांस्कृतिक मुलुकय् सकल देशवासीया समान अधिकार सुनिश्चित जुइमाः । पहिचान सहितया संघीयता संविधानं हे सुनिश्चित यायेमाः । आःया नेपाःया संविधान थःत सुविधा जुइकथं प्यंगू राजनीतिक पार्टीया दस्तावेज बाहेक मेता मखु । उकिं थःपिनिगु सरोकार पूर्ण संविधानया नितिं जुइमाः । उकिा नितिं सकल मतदातातय् जागरुक यायेमाःगु आवश्यकता दु । आन्दोलनया आवश्यकता दु । पहिचान विरुद्धया राजनीतिक पार्टीतय्गु दुने 'नेवाः सरोकार'या औचित्य छु जुइ ? थ्व इलय् नेवाः सरोकार तयेमाःगु विषय खः नेवाः स्वायत्त राज्यया स्थापना । पहिचान सहितया संघीयतां हे सकल अधिकार कर्मी नेवाः लगायत आदिवासी जनजातितय् पहिचानयात सुरक्षित याइ । गुगु संघीयतां पहिचानयात पूर्ण रुपं हे अस्वीकार याःगु दु, अन नेवाः सरोकारया छु खँ हे दइ मखु । नेवाः सरोकार धइगु हे पहिचान सहितया संघीयता खः ।

नेवाः सः नेवाः एफ. एम. १०६.६

नेवाः एफ. एम. १०६.६

न्यामासिमा, द्यःधवाखा, किपू-२

फोन ४३३४२२२

ईमेल: ankmedia.newafm@gmail.com



newafm.com.np

आः न्हिच्छि चिच्छि विश्वया न्ह्यागु

कुनय् च्वना नं न्यनादीफइ ।

नेवाः एफ. एम. न्यनादिसँ

नेवाः जुयाया गौरव यानादिसँ



## न्हय्गू नेवा: वस्तीया जात्रा न्हय्गां जात्रा बखुमद: जात्राया म्हसीका

येंय नं दक्षिण पश्चिमपाखेया न्हय्गां जात्रा (बखुमद: जात्रा) किपू, पांगा, नगां, ब्वसिगां, मच्छेगां, ल्हवखा व सतुंग: जात्रा । थुगुसी वडगु मंसिर १० गते आइतवा: (ने.सं. ११३८ थिंलाख अष्टमी) निसें सुरु जुइ ।



स्वनिग:या आदिवासी नेवा:तय्सं हना वयाच्वंगु थीथी जात्रात मध्ये महत्वपूर्णगु जात्रा धइगु बखुमद: जात्रा ख: । व:खु धइगु येंय नं दक्षिण पश्चिमपाखे किपुलिइ नं पश्चिमपाखेया ऐतिहासिक थाय् ख: । गुगु थासय् इसाया निगूगु सताब्दीया सप्त मातृकाया मूर्तिंत मध्ये कौमारी, वैष्णवी व वारहीया मूर्ति पलिस्था यानात:गु दु । उकिं उगु लागा धइगु येंया दक्षिण पश्चिम लागाया नेवा: वस्तीया महत्वपूर्णगु तिर्थ स्थलया रुपय् नं नालात:गु दु । व हे व:खु क्षेत्रयात केन्द्रविन्दु याना हनीगु बखुमद: अस्तमी जात्रा ख: । बखुमद अस्तमी जात्राया भूवलय् न्हापा न्हापा न्हय्गू गांया नेवा:तय्सं जात्रा याइगु ख: । उकिं हे जुइ सायद् थनिं स्वंगू दशक न्हयर्वनिसें हे बखुमद: जात्रायात न्हय्गां जात्रा धायेगु यानाह:गु दु । बखुमद: जात्राया भूवलय् नेवा: वस्तीत किपू, पांगा, नगां, ल्हवखा, मच्छेगां, ब्वसिगां व सतुंगलय् जात्रा याइगु ख: । तर लिपांगु इलय् वया नैकाप अर्थात बन्धु:चाया नेवा:तय्सं नं ब्यागलं कथंया थ:ख: दयेका जात्रा याना ह:गु दु । बखुमद: जात्रा धइगु येंया दक्षिण पश्चिम लागाया नेवा:तय्गु दक्ले महत्वपूर्णगु जात्रा ख: । दैय् दस बुँइ सामाज्या अर्थात वा लयेगु ज्या क्वचाये धुंका: थिला महिनाय् याइगु नख: धइगु हे बखुमद: अर्थात न्हय्गां जात्रा ख: ।

## उम्मेदवार म्हसिका व अन्तरक्रिया

ज्वजलपा वा:पौ

थ्वहे वडगु मंसिर २१ गते जुइगु प्रतिनिधि सभा व प्रदेश सभाया चुनावय् नेपाली कांग्रेसपाखें उम्मेदवार जुयादीपिं उम्मेदवार म्हसिकेगु व अन्तरक्रिया ज्याभव: जुल ।

मंसिर १ गते कृष्ण क्याटरिंगया गोदावरी हलय् जूगु उगु ज्याभव:या सभापतित्व नेपाल शिक्षक संघ किपू नगरसमितिया नाय: कुमार बजगाईं नं यानादीगु ख: ।

शिक्षक रुद्र प्रशाद खनालं न्ह्याकादीगु उगु ज्याभवलय् लसकुस न्वचू शिक्षिका सीता घिमिरे बिया:दीगु ख: । शिक्षक र जेन महर्जन

शिक्षक बन्नी प्रशाद खनालं थ्व चुनाव लोकतन्त्र व अधिनायकवादया लडाईं ख: । शिक्षकत छ्थी छपं जुया: अधिनायकवादयात बुका: लोकतन्त्र पलिस्था यायेमा:गु खँय् व: बियादिल ।

क्षेत्र नं.१० ख या प्रदेश सभा उम्मेदवार धर्मानन्द श्रेष्ठ व क्षेत्र नं.१० क या प्रदेशसभा उम्मेदवार पुकार महर्जन व काठमाडौं जिल्ला सचिव राजकुमार नर्कर्मनं लोकतन्त्र व:लाकेत नेपाली



कांग्रेसयात त्याकेत इनाप यानादिल ।

नेपाल शिक्षक संघ काठमाडौं जिल्लाया नाय: लक्ष्मी किशोर सुवेदी नेपालया फुक्क शिक्षकपिन्सं नेपाली कांग्रेसयात भोट बीमा: धका: जोड बियादिसें शिक्षकतय्गु निरितिं नेपाली कांग्रेसं यक्व ज्याया:गु दु । २०४८ सालय् नेपाली कांग्रेसया सरकारं दच्छि ज्यायायेधुंकूपि शिक्षकपिन्त स्थायी यायेगु निर्णय याना १४ द्वा: शिक्षकपिनिगु जागिर बचय् यानाविल । अथेहे २०५२ सालय् दयेकूगु आयोग खारिज यानाविल । आ: नकतिनि वया: नं करार व अस्थायी शिक्षकपिनिगु फाईदा याइगु शिक्षा विधेयक पास या:गु दु । नेपालया हरेक आन्दोलनय् शिक्षकपिनिगु त:धंगु भूमिका दु धयादिल ।

मूपाहाँ क्षेत्र नं.१० या प्रतिनिधि सभा सदस्य नापं युवा तथा खेलकुद मन्त्री राजेन्द्र कुमार के.सी. नेपालय् साम्यवाद गबलें वयेफैमखु । २०२८ सालं के.पी., सि.पि. मैनालीधा:पिं मिलय् जुया भापा आन्दोलन या:गु ख: । २०५२ सालनिसें माओवादी धा:पिं बन्दुकया नालं राज्य सत्ता कब्जा यायेधका: जंगल वनां १७ फिन्हय्द: मनुतय्गु ज्यान काल । गिरिजाबाबु इमित सुरक्षित थासय् हया:विल । थ्व गठबन्धन धइगु सत्ताया निरिति जक ख: । उकिं गबलें नं छथाय् च्वने फैमखु । थ्व नेपाली जनतां वालाक स्यू । कम्युनिष्ट शासन दुगु देय् चीन छगु बाहेक फुक्क हरिकंगाल जुयाच्वंगु दु । उकिं अज:गु अवस्था वयेके मवीत नेपा:मितसं नेपाली कांग्रेस त्याकी धका: विश्वास यानादिल ।

## नेपाली कांग्रेस क्षेत्र नं. १० का सबै उम्मेदवारलाई मेरो साथ ।



चुनाव चिन्ह : रुख



पुकार महर्जन  
उम्मेदवार  
प्रदेश क



राजेन्द्र कुमार के. सी (राजन )  
उम्मेदवार  
प्रतिनिधि सभा काठमाडौं १०



धर्मानन्द श्रेष्ठ  
उम्मेदवार  
प्रदेश ख

नेपाली कांग्रेस को रुख चिन्हमा मतदान गरि अत्याधिक बहुमतका साथ विजयी गराऔ ।



## किपुलीं दहंच्च चाहिलाबलय्

### हिराज्ञान महर्जन

२०७४ कार्तिक ११ शनिवार चाहिलेगू मतिं तया: किपू लागया १४ जना पासापिं सूथसिया ६:३० बजे नगां: द्वापातं न्ह्यात: । वर्ष भरिया वा: दुहां वइगू महिना सं अले स्वन्ति नख: धुंका नेपा: या मौलिक सम्बत ११३८ क्यने धुंका न्ह्याइपुक चाहिलेत किपूया चोद्वारा: पिंग्छोयाथाय् लाका न्ह्यां वन: । पिंग्छो पुला वने धुंका अन छगू किपूया नाजांग् माक्वा:चा धाइगु थासय् लाका टिम न्ह्या वन । थ्व वर्षय् किपू व तिनथानाया दूपा: धैगुया दथुई मूलखुसिया नामं नांजा:ग खुसिया दथुई छगू भवल्गो तां दयक्क जुयाचन । व तां जुया खूसी पार यायबले छगू न्हुगु व न्ह्याइपूगु अनुभव जूईगू जूया चन । व: तां किपू लागाय् छगु ताहाकगु तां जुया न्ह्याइपुसे च्वं । तां यक्व हे त:जागु जुयाचन । अथे जुया थ्व तां लय् भविश्यय् बन्जी जम्पिंगया सम्भावना यको हे खने दु ।

तां पार जुई धुंका पासापिं तिनथाना या दूप्प धैगु थासय् थ्यन । दूप्पा जुया टिम काठमाडौं नं प्यहां वनेगु मूलगु लैय् थ्यन । अनलि टिम नैकाप भन्ज्यांग थ्यन । नैकाप भन्ज्यांग जुया न्ह्या वन । नैकापयात न्हापा सिंर धाई ।

अथेजुया थनयापिं मनुनयत सिंरमी नं धाई । थ्व देय् यात पुलांगु नैकाप न धाई । पुलांगु नैकापय् छगू फुटवल म्हितीगू ग्राउण्ड दु । व ग्राउण्डयात खवय् लाका: टिम दहचोक डांडा जुजुं न्ह्या वन । व लं लिइसे वने वले अन छगु काग्य खल: या गुम्वा वई । काग्य गुम्वा धैगु कर्मापा लामा नाय: जुइगु गुम्वा ख: । गुम्वा पुला वने धुंका अन छगु व डांडाया च्वय्लागु न्ह्याइपुसे च्वंगु देग: छग: दु । व देग: यक्व पुलांगु ला मखु अयसां २०७२ या वैशाखय् वगु त:भुखाय् नं क्षति जुगु देग ख: । व देगलय् हिन्दु धर्मया तर्धपिं फिमह देवीत दू । दथुई लाक्क देवी कालीया मुर्ति दु । देवि नाप मेपिं गणेश, सूर्य आदि चो पिनगु नं मुर्तित दु । अनलि ता:हाकगुतलिसं पश्चिम पति जुया क्वहां वने धुंका प्रायवल लं वई । व लं लिसे पश्चिम पति स्वया वनेबलय् स्वनिग:या दक्षिण पश्चिमय् लागु वांलागु उपत्यका खनेदु । व उपत्यकाया च्वसं दक्षिण पतिइ चन्द्रागिरी पर्वत दु । थौकन्हे अन चन्द्रागिरी पर्वतय् न्हुगु केवल कार चलेजुई धुंकुगु जुया चन्द्रागिरी पर्वतया नां भन हे प्रख्यात जुगु दु । व लं जुजुं वनेबलय् दक्षिण पतिई क्वसं आदिवासी जनजाति मगर तयगु छें त दुगु

बस्ति दु । अफ न्ह्योने वनेबलय् छगु पुलांगु त्वाथत: दुगु लं दु । व लं लिसे च्वय् थाहा. वनिबलय् अन छगु पुखु वई थ्व हे पुखु यात दह नं धाई । च्वय् थ्यंक लागुलिइं ख्यात दह च्व: धाई थ्वहे दह च्व: यात शाब्दिक अपभ्रंस जुया आ वया दहचोक जुगु धैगु जनविश्वास जुया चन । थ्व दहं हिन्दु धर्मया अनुसार तस्सकं महत्व दुगु थाय् ख: । हरेक वर्षया भाद्र शुक्ल पुर्णिमा खुनु थन मेला जुइगु जुया चन । थ्व दिन लाका स्वर्गया द्योतय राजा इन्द्र न थन मोल्हवइगु धैगु जनविश्वास दुगु जूया चन । अथे जुया थ्व दह यात इन्द्रदह नां जुवंगु ख: धैगु जनविश्वास दु । थ्व दह लय् नागराज या मुर्ति दू । अले लिक्कसं देग: त दु । नापसं सत: छगु न दु । २०७२ सालया त:भुखाय् नं देगत व सत: तज्याना च्वंगु दु । अन भतिचा भास लने धुंका टिम व न्ह्याइपुसे च्वंगु पर्वतय् थहां वन । दहच्व: छगु तजागु भूमी जुगुलिं थन फापर धैगू अन्न सैगु थाये जुया चन । फापर व तस्सकं हे बानंला । भतिचा थाहां वने धुंका यक्को पुलां मजुगु पतिइ चन्द्रागिरी पर्वत दु । थौकन्हे अन चन्द्रागिरी पर्वतय् न्हुगु केवल कार चलेजुई धुंकुगु जुया त:गु जुया चन । व देग: चाहिले धुंका च्वय् थाहां वनेबलय् दकलय् च्वय् दूर संचारया टावर दु । सन् १९९९ सालय् व टावर नाप नेकेन एअरया हवाईजहाज ठक्कर नया

दुर्घटना जुगु जुयाचन । अथेजुया वयां लिपा थ्व टावरया हाइट म्हो यागु जुया चन । अन स्वयंबलय् स्व:निगलं खनेदुगु उत्तर पत्तिया हिमालत प्रष्ट खनेदया थ्व थाय् मनमोहक जु । वयां दक्षिण पश्चिम पतिई भतिचा क्वय् नेपा: देया इतिहास नापं स्वापू दुगू छगू साधारण खनेदुगु स्मारक दु । थ्व स्मारक काजी कालू पाण्डेया स्मारक जुयाचन । थ्व स्मारकया स्वापू नेपा: देया इतिहासय् तधंक महत्व दुगू गोरखा व किपूया भिनिदं तक जूगु युद्ध, अले कालु पाण्डेया किपूली जूगु वीरगति अर्थात मृत्यु व मृत्यु धुंकाया कालू पाण्डेया इच्छा कथं यागु शवया पलिस्थाया वियोगान्तक संस्मरण दुगु थाय् ख: । अथेजुया दहचोक वीर गोरखाली व वीर किपूमीतय्गु दथुई च्वंगु ऐतिहासिक महत्वं जागु पर्वत ख: ।

व स्मारकया लिक्क च्वनाबलय् पासापिं नापं अनया महत्व वारे खंल्हा: बलय् पासापिं मध्ये छम्ह पासां कना हगु कथं उबले थ्व स्वनिग: अलग अलग स्वतन्त्रगु राज्य जुया च्वबलय् स्वनिगले येँ, यल, ख्वप, किपू तत:धंगु व शक्तिशाली राज्यत जुयाचन । स्वनिग: तस्सकंहे वांला:गु थाय् । अयोबलय् गोरखाया जुजु नरभूपाल शाहया स्वनिगलय् मिखा दुगु जुयाचन । अथे जुया नरभूपाल शाह नं स्वनिगया येँ यल व ख्वप:या

जुजुपिन्त पौ छवया ह:गु जुयाचन । येँ च्वंम्ह जुज जयप्रकाश मल्ल व यलय् च्वंम्ह राजा तेजनरसिंह मल्लपिन्स पौया लिस: मव्यु । ख्वपया जुज रणजित मल्ल बांलक मैत्रीपूर्ण पौ छव:गु जुयाचन । व मैत्रीपूर्ण लिस: नर भूपाल शाह व रणजीत मल्ल पिनि विचय् त्वाय् सम्बन्धया परिणाम न ख: । नरभूपाल शाह नं थ: काय् पृथ्वी नारायण शाहयात स्वनिग:या विकास व भिभिंंगु खँ सिइकेत सय्केत ख्वप: या जुजुयाथाय् लहिके छवया ह:गु जुया चन । स्वदं तक च्वंबलय् पृथ्वी नारायण शाह नं स्वनिग:या विकास, निर्माण, कला, तिसा वस:, सुचु पिचु, आगम निगम, संस्कृति, रहन सहन दक्व हे सिइकल । स्वदं लिपा गोरखा लिहां वन । लिपा थ: हे जुजु जबले वं स्वनिग:या राज्यत फुक्क थम्ह हे काय् त मति तल । स्वनिग:या राज्यत तधं बला । अथेजुया भार तय् अंग्रेजतय्के दुगु उबलेया आधुनिक ल्वाभ:, बन्दुक, तरवार थीथी उपाय याना थ:गु ल्हातय् लाकल । वयां लिपा स्वनिग: त्याकेत: हरेक थासं आक्रमण यायां वय्गु सिलसिलाय् किपूनाप ल्वापु जु वन । ल्वापू जबलय् गोरखाया सेनापति काजी कालू पाण्डे किपूनाप ल्वाय् शसंकित जुगु जुयाचन । पृथ्वी नारायण शाहया जिद्धि व महत्वाकांक्षाया न्ह्योने सेनापति कालु पाण्डेया छुं हे

चलेमजुल । अथे जुया कालु पाण्डे छगु पृथ्वी नारायण शाह याके इच्छा जाहेर यागु जुयाचन कि यदि थ्व लडाईलय् छुं जुया कालु पाण्डे थ: सित धा:सा वया शवयात वयागु मतिनागु देश गोरखा खने दय्क गाडेय याना व्यू । लडाई जुल । भिनिदं तक लडाई जुल । यक्व हे पटक गोरखाली त वुत । उकिया अर्थ भिनिदं तक गोरखालीत वुउगु ख: । अयसां थ्व खंयात शासकतय्सं महत्व मव्युगु ख: । व ल्वापुया भवलय् पृथ्वी नारायण शाहया किजा शुर प्रताप शाहया मिखा हे तज्यात: । काजी कालु पाण्डे किपू या भूमीई लडाईलय् सित । सिइधुकुम्हेसिया शव लित यंके थाक्या वया छयों जक ध्यना यंका दहचोकया पश्चिम इलाकाय् गोर खा खनेदय्क गाडेय यागु जुयाचन । व लडाईलय् यक्को हे गोरखालीत सित अले किपूमीतनं मन्त । दक्को मनुतय्गु लाशयात अगिन दाह याय्त् थाक्या किपू या वरपर दवंचा दवंचाय् तया गाडय् या:गु जुया चन । छगु थ्व स्मारकं छुनं छुं भीत इतिहास लुमंका विई । थये जुगुलिं थ्व दहचोक धैगु पर्वत किपू व गोरखा अले नेपा:देय्या इतिहास नापं स्वापू दुगु प्रशिद्धगु थाय् ख: । थये न्ह्याइपुक खं सिइ धुंका प्राकृतिक व ऐतिहासिकं महत्वपूर्णगु दहंचो चाहिले धुंका: पासापिं फूक्कं थिचा थिचा जुया कीर्तिपुर ल्यहां वल: ।

## “स्वाधिनता, समृद्धि र समाजवादको आधार संघ/प्रदेशमा वामपन्थीहरूको जनपक्षीय स्थिर सरकार”

### वाम गठवन्धनका अत्याधिक बहुमतले



#### क. दिलिप महर्जन

प्रदेशसभा सदस्य

क्षेत्र नं.१०(क), काठमाण्डौ ।

सम्पर्क नं.: ९८४१५५१७५९

स्थायी ठेगाना : पाँगा, कीर्तिपुर नगरपालिका



#### क. हितमान शाक्य

प्रतिनिधिसभा सदस्य

क्षेत्र नं.१०, काठमाण्डौ

सम्पर्क नं.: ९८१३७६१०९१, ९८५११००५९०

स्थाई ठेगाना: विष्णुदेवी(बखु),

चन्द्रागिरी नगरपालिका



#### क. रमा आले

प्रदेशसभा सदस्य

क्षेत्र नं.१०(ख), काठमाण्डौ ।

सम्पर्क नं.: ९८५११३२८०८

स्थायी ठेगाना : थानकोट, चन्द्रागिरी नगरपालिका

## नेकांया क्षेत्र नं. १० य् चुनावी ज्याभवः

### ज्वजलपा: वा:पौ

संविधानसभापाखें संविधान जारी जुइ धुंका: न्हापांखुसी मंसिर २१ गते जुइगु प्रतिनिधिसभा व प्रदेशसभाया चुनाव जूवनाच्वंगु दु। थुगुसीया चुनावया नितीं थीथी लागाय् प्रचारप्रसारया अभियान राजनीतिक दलतय्सं यानाचवंगु दु।

थ्व हे भूवल्य् यें जिल्ला निर्वाचन क्षेत्र नं. १० सं थीथी राजनीतिक दलतय्सं थःथःगु कथंया प्रचारात्मक अभियान न्ह्याका वयाच्वंगु दु। थ्व हे भूवल्य् नेपाली कांग्रेसं थःपिनिगु प्रचार प्रसारया गतिविधियात कया सार्वजनिक याःगु धल थन न्ह्यव्याचवना।

दिं	ज्याभवः	ई व थाय्
२०७४ मंसिर २ गते	घरदैलो कार्यक्रम	शेषनारायण द.न.पा., ७ निसें ११ बजेतक
२०७४ मंसिर ३ गते	घरदैलो कार्यक्रम	कीर्तिपुर बाघभैरव, ७ निसें ११ बजेतक
२०७४ मंसिर ४ गते	घरदैलो कार्यक्रम	चम्पादेवी की.न.पा ७ निसें ११ बजेतक
२०७४ मंसिर ५ गते	घरदैलो कार्यक्रम	वाडभञ्ज्याङ च.न.पा., “ “
२०७४ मंसिर ६ गते	“ “	सेतीदेवी न.पा., “ “
२०७४ मंसिर ७ गते	“ “	टौदह की.न.पा. “ “
२०७४ मंसिर ७ गते	“ “	पाँगा र नगाउँ, “ “
२०७४ मंसिर ७ गते	“ “	मातातिर्थ च.न.पा., “ “
२०७४ मंसिर ८ गते	“ “	चाल्नाखेल द.न.पा., “ “
२०७४ मंसिर ९ गते	“ “	छैमले द.न.पा. “ “
२०७४ मंसिर १० गते	“ “	महादेवस्थान च.न.पा. “ “
२०७४ मंसिर १० गते	“ “	टल्कु डुडेचौर द.न.पा. “ “
२०७४ मंसिर ११ गते	“ “	बोसीगाउँ च.न.पा. “ “
२०७४ मंसिर १३ गते	“ “	सतुङ्गल च.न.पा. “ “
२०७४ मंसिर १३ गते	“ “	ट्याङ्लाफाँट की.न.पा “ “
२०७४ मंसिर १४ गते	“ “	चोभार की.न.पा. “ “

### आमसभा

२०७४ मंसिर ८ गते	कोणसभा की.न.पा. १, बाघभैरवस्थान, ३.३० बान्थि
२०७४ मंसिर १० गते	आमसभा सतुङ्गल च.न.पा. ३ बजे
२०७४ मंसिर १३ गते	आमसभा पाँगा लाछी की.न.पा. ३ बजे
२०७४ मंसिर १५ गते	आमसभा थानकोट च.न.पा. ३ बजे
२०७४ मंसिर १६ गते	आमसभा दक्षिणकाली द.न.पा. २ बजे
२०७४ मंसिर १७ गते	विशाल पदयात्रा लोकतान्त्रिक चोक कीर्तिपुर गेटवाट सुरु विहान ७ बजे
२०७४ मंसिर १८ गते	विशाल आमसभा तःगवपि, नगाउँ दोबाटो, नयाँबजार, २ बजे

## किपूया जितेन्द्र महर्जन गिरफ्तार

### ज्वजलपा वा:पौ

प्रहरी वंगु मंगलवा: किपूया जितेन्द्र महर्जनयात गिरफ्तार याःगु दु। स्थानीयवासीया धापू कथं मंगलवा: न्हिनय् थ्यंमथ्य ३:३० ता: इलय् किपूया न्हूबजारं ज्वना यंकूगु खः। इलाका प्रहरी ज्याकुथिं किपूया भ्यानय् तया: महर्जनयात यंकाच्वंगु अवस्थाय् खंगु छम्ह स्थानीयवासीं जानकारी बियादीगु खः। वय्कःया धापूकथं प्रहरीं भ्यानय् तया: टेकूया नेशनल ट्रेडिङ दुने यंकूगु खः।

प्रहरीया गिरफ्तारीइ ला:म्ह जितेन्द्र महर्जन पत्रकारिता ख्यः नाप स्वापुदुम्ह नापं छम्ह नेपालभाषाया साहित्यकार नं खः। वय्कः विप्लवया नेतृत्वय् दुगु नेपाल कम्युनिष्ट पार्टीया कार्यकर्ताया रुपय् क्रियाशिल जुयाचवनादीम्ह खः। विप्लव नेतृत्वया नेकपापाखें प्रतिनिधिसभा व प्रदेशसभाया चुनावयात खारेज यायेमाःगु माग याना वयाच्वंगु खः। लिपांगु इलय् चुनाव जूवनाच्वंगु लागाया थाय् थासय् वम मुइका विइगु नापं आक्रमण यायेगु घटना जुयाच्वंगु दुसा उगु घटनायात विप्लवया नेतृत्वया नेकपापाखें हे याना वयाच्वंगु आशंका यानाच्वंगु दुसा उगु पार्टी धा:सा आधिकारीक रुपं जिम्मेवारी का:गु मदुनि। लिपांगु इलय् वया प्रहरीं विप्लवया नेतृत्वया नेकपाया थीथी कार्यकर्तातय्त थाय् थासं ज्वना यंकाच्वंगु दु।



नेवा: वस्ती नेवा: एफएम प्रतिभा अभियान वंगु कार्तिक २५ गते शनिवा:निसें न्ह्या:गु दु। नेवा: एफ एम १०६ फुति ६ मेगाहर्जया संयोजनय् नेवा:तयगु वस्ती-वस्तीइ वना अनया नेवा:तयगु प्रतिभा न्ह्यव्येगु नापं स्थानीय समस्यानिसें ऐतिहासिक नापं सांस्कृतिक व थीथी पक्षयात विश्वय् थ्यंकेगु आजु तया उगु कथंया अभियान न्ह्याकूगु खः। उगु समारोहया रवसा:खल: हलिं नेवा: गुथि थक्वा: कचा, हलिं नेवा: गुथि थानकोट कचा, हलिं नेवा: गुथि सोनितपुर कचा व श्री आदिनारायण भजन मण्डलया मंका: रवसालय् जूगु खः। नेवा: एफ एमपाखें प्रत्येक्ष प्रसारण जुइगु उगु कथंया ज्याभवः शनिवा: पतिकं अन्तिम शनिवा: नेवा:तयगु थीथी वस्ती वना न्याकेगु जुइ धका: धा:गु दु।

राष्ट्रियता !

प्रजातन्त्र !

समाजवाद !



करुवा चिन्हमा छाप लगाई  
नेपाली कांग्रेस (बी. पी.) काठमाण्डौ क्षेत्र नं.-१० का  
प्रतिनिधिसभा सदस्य उम्मेदवार



श्री प्रणय सिंह महर्जन (मुन्ना) लाई

अत्याधिक बहुमतले बिजय गराऔं।

जय नेपाल !



केन्द्रीय सदस्य

सम्पर्क: ९८५१०७११८४

नेपाली कांग्रेस (बी. पी.)



## येंया प्रदेशसभाया नेवा: उम्मेदवारपिन्सं नेवा: मुद्दायात कया: प्रतिबद्धता प्वंकल

**ज्वजलपा: वा:पौ**

प्रदेश नम्बर ३ येँया १० गू निर्वाचन क्षेत्र थीथी पार्टी प्रदेशसभाया उम्मेदवारी व्यूपिं उम्मेदवार पिन्सं नेवा: मुद्दायात कया: प्रतिबद्धता प्वंकु दु ।

नेवा: जागरण मञ्चया संयोजनय् येँया क्षेत्रपातिइ च्वंगु क्षेत्रपाति पार्टी प्यालेसय् जूगु उगु ज्याभवलय् नेकपा एमाले व माओवादी केन्द्रया बामगठबन्धनया उम्मेदवारपिं, अथेहे नेपाली कांग्रेस, नेपा: राष्ट्रिय पार्टी, नयाँ शक्ति नेपाल, संघीय समाजवादी फोरम नेपाल व माओवादी क्रान्तिकारीया देशभक्त जनगणतान्त्रिक मोर्चापाखें उम्मेदवारी व्यूपिं सकल नेवा: उम्मेदवारीपिनिगु उपस्थिति दूगु खः । १० गू निर्वाचन क्षेत्रय् थीथी पार्टीया मुक्कं ३२ म्ह नेवा:त उम्मेदवारपिं दु । नेवा: जागरण मञ्च मंसिर २१ गते शुक्रवा: जुइगु ज्याभवलय् प्रदेशसभाया चुनावय् नेवा: सरोकारयात कया: नेवा: मुद्दायात सम्बोधन याइपिन्त भोट बिइत इनाप यासें सार्वजनिक रुपं पर्चा नं पिका:गु दु ।

९ बुँदे न्ह्यथनात:गु उगु पर्चाय् प्रदेशया नामांकन लिसें संविधानं व्यवस्था यानात:कथं थीथी विशेष क्षेत्र, आर्थिक क्षेत्र व संरक्षित क्षेत्र निर्धारण याइपिन्त भोट बिइत इनाप यानात:गु दु । अथेहे, शुक्रवा: जूगु ज्याभवलय् व्वति कयादीपिन्त नेपा:या संविधानय् प्रदेशया अधिकार छु छु दु धैगु धल: सफू नं इनेगु ज्या जूगु खः ।

उगु ज्याभव: देय् न्यंकं च्वपिं नेवा:त लिसें हलिमय् न्यंकं च्वपिं नेवा:तय्थाय् तक थ्यंकेत उगु ज्याभव: नेवा: अनलाइनन्यूज प्रत्यक्ष प्रसारण व नेवा: एफएमपाखें प्रत्यक्ष प्रसारण या:गु खः ।

## दु:ख अले सुख जुंसां मा:गु



**कृष्णवहादुर महर्जन**  
भरियांपुखु, किपू

धुम्रपान मदिरा ज्यान

ज्यू भिं सुनां धा: छिमित

पाहुना पासा न्ह्याम्हे व:सां

बिहे वर्तमान न्ह्यागु हे जूसां

लिमला फमला हथाय्चाया

लसकुस या: वै छिपिं हे वया

धुम्रपान मदिरा ज्यान

ज्यू भिं सुनां धा: छिमित

पासापिं नापला:गु लसताय्

गुबले बाय मा:गु दु:खय्

या:वै छिपिं हे वया लसकुस

दु:खय् नं अले सुखय् नं

धुम्रपान मदिरा ज्यान

ज्यू भिं सुनां धा: छिमित

डाक्टर वैद्य, सजन विद्वानं

गन ज्यू भिं धाई छिमित

मिखा प्या: चासेनिसें घयपुना

त्वना:जुईपिन्सं थविगु न्यना

धुम्रपान मदिरा ज्यान

छिमिगु कर्म व भाग्ययात

थ:थम्हं हे म्हसिके मफया

यक्व हे दु:ख तयाया ख्वयाच्चन

नये त्वने मज्यूगु आविस्कार

थ्व संसारय् यायेमा:गु छाय् ?

## जिं खंगु सुपाय्



**निलन कुमार थेचमि**

जिं खंगु सुपाचें

जिगु मां भाय्यात:

किना:च्वंगु खना:

मिहग:स्वकिं थौं

जिगु भाषा:साहित्य

भन भन दुना:च्वंगु खना: ।

गन वनां तन थौं

सिद्धिदास महाजुया: धापू:

“नेपालभाषा जिर्ण जुगु

अलिस् मचा:से भिंके नु”

गन थ्यना: त्वा:देल: थौं

मां भाय्या का:पू:

मोहनीया च:कंगु सर्गतय्

थिथि रंगया भुतुमलि

थिकु थिकु संना: व्वया:च्वंगुथें

जिगु मां भाय् साहित्य

नखनरी सर...रर...रर...

व्वया:च्वंगु थौं मखना:...

गन वन भाषा जवा:पिं

गन वन भाषा थुवा:पिं

थन देय्या: लाखेतय्सं

भीगु मां भाय्यात:

यचुकक पुनाछ्वय् धुंकल

गवलें गवलें मतिलुइ जित:

परदेशय् जि त:क्यनां च्वथें

जिगु मा: भाय् साहित्य नं

देय्या: कंभा:लय् तक्यनां च्वनकि?

गनं हाकुगु सुपाचें

ख: फय् वय्का:

अनन्न सर्गतय् पुइकल कि?

गन घनघोर घटां

पिका:गु ख्वविया धा:रां

पाता:लय् चुइका: यंकलकि?

न्हिं न्हिंथं लुकविना:वंगु

सुर्थया ज:थें

भीगु भाषा:साहित्य

लुकव्यूनां वनाच्वंगु खना:

न्हुं सुथ:या: ज:या नितिं

थौं लुकव्यूसां थजु धया

तर थौया व न्हुं ज:लय्

भीगु भाषा: साहित्यया:

ज्वाला:ज्वालां थ्यूगु

मिजला: जिं मखना

अथेंजुया: थौं जिगु मां भाय्

हाकुगु सुपाचें किनांच्वंगु खना:२ ।

## आवश्यकता

लेखा सम्बन्धी राम्रो ज्ञान भएको कर्मचारी आवश्यक भएको

हुँदा निम्नानुसार योग्यता भएका नेपाली नागरिकहरुबाट

आवेदन आरुवान गरिन्छ ।

**पद : लेखापाल**

**न्यूनतम योग्यता : स्नातक उत्तिर्ण**

**पद : सहायक लेखापाल**

**न्यूनतम योग्यता : +२ उत्तिर्ण**

**आवश्यक कागजात : १. आवेदन**

**२. नागरिकता प्रमाणपत्र प्रतिलिपि**

**३. बायोडाटा**

**४. कार्यानुभवको प्रमाणपत्र**

बुझाउने ठाउँ : संस्थाको कार्यालय वा

khadgabhavani@gmail.com

बुझाउने अन्तिम मिति : २०७४ मंसिर १३ गते, बुधवार



**खड्ग भवानी बचत तथा ऋण सहकारी संस्था**

कीर्तिपुर, नयाँबजार । फोन नं ४३३६४५४

नोट : २०७४ कार्तिक २२ गते कीर्तिपुर सन्देशमा प्रकाशित लेखापाल पदको विज्ञापनबाट पर्याप्त आवेदन नपरेको

## बिचा: हायेका

जन्म:

ने.सं. १०३८

गुंलाथ्व द्वादशी



**मदुम्ह ज्ञानीमाया महर्जन**



मदुगु :

ने.सं. ११३८

कछलागा द्वादशी

ज्यापु महागुथि किपू नगर समितिया जिवंकाछि ज:पिं प्रा. डा. नन्दबहादुर महर्जन व नन्दकुमारी महर्जनया मां नापं श्याम सुन्दर महर्जनया अजि **ज्ञानीमाया महर्जन** सच्छिदंय् वंगु कार्तिक २९ गते बुधवा: आकाभाकां मदुगुलिं मदुम्हसिया सुखावति भुवनय् वास लाय्मा धका: कामनायासें दु:खंक:पिं सकल छेँज:पिन्सं मन चिइफय्मा धका:

बिचा: हाय्का च्वना ।

**ज्यापु महागुथि किपू नगर समिति**  
किपू

# बिचा: हायेका

जन्म:

ने.सं. १०३८  
गुंलाथ्व द्वादशी

मदुगु :

ने.सं. ११३८  
कछलागा  
द्वादशी



मदुम्ह ज्ञानीमाया महर्जन



जनसेवा मा.वि.या प्राचार्य नन्दकुमारी महर्जनया

मां ज्ञानीमाया महर्जन १०० (सच्छि)दँय् कार्तिक २९ गते बुधवा:

आकाभाकां मदुगुलिं मदुम्हेसिया सुखावति भुवनय् वास लायेमा धका: मनंतुनां  
दु:खंक:पिं सकल छँज:पिन्सं मनचिइ फयेमा धका: बिचा: हायेका च्वना ।

१. ईश्वरमुनी बज्राचार्य
२. उत्तम बज्राचार्य
३. विद्यालक्ष्मी बज्राचार्य
४. उर्मिला महर्जन
५. सरद महर्जन
६. विजय महर्जन
७. राजकुमार शाही
८. देवशरण महर्जन
९. कृष्ण श्रेष्ठ
१०. कृष्णभोला महर्जन
११. विलसन महर्जन
१२. कृष्ण खाचो
१३. हरिभक्त महर्जन
१४. राम महर्जन

१५. मनोज महर्जन
१६. बुलकुमारी महर्जन
१७. दुर्कमान महर्जन
१८. युवकराम महर्जन
१९. मधुकर महर्जन
२०. श्रीकृष्ण महर्जन
२१. बाबुराजा महर्जन
२२. किरण महर्जन
२३. रोशनी महर्जन
२४. अमिता महर्जन
२५. रमिता महर्जन
२६. सीताराम महर्जन
२७. राम शरण महर्जन
२८. मैया श्रेष्ठ

२९. विक्रम महर्जन
३०. नरेश महर्जन
३१. राजेन्द्र महर्जन
३२. इन्द्रमान महर्जन
३३. रामदेवी महर्जन
३४. मीना महर्जन
३५. इन्द्रकुमार महर्जन
३६. जगतलक्ष्मी महर्जन
३७. जमुना महर्जन
३८. नन्दकिशोर
३९. जगदिश्वर महर्जन
४०. अर्जुन महर्जन
४१. शोभा महर्जन
४२. पुन्यलक्ष्मी महर्जन
४३. रमेश महर्जन

२०४० साल एस.एल.सी. समूह जनसेवा मा.वि. पाँगा



## संघीय समाजवादी फोरम नेपालपाखें ११ प्रदेश, स्वायत्त, संरक्षित क्षेत्र व विशेष क्षेत्र

पहिचान व लोकतन्त्रिक समाजवादयात मूल सिद्धान्त नाला पहिचानया आधारय् प्रदेश निर्माण यायेमा: धका: स: तया वयाच्वंगु राजनीतिक पार्टी ख: संघीय समाजवादी फोरम नेपाल । संघीय समाजवादी फोरम नेपाल प्रतिनिधिसभा नापं प्रदेशसभाया निति सार्वजनिक या:गु घोषणा पतिइ भिन्छूगू प्रदेश, ३२ निगू स्वायत्त क्षेत्र, १३ संरक्षित क्षेत्र व ४ गू विशेष क्षेत्रया अवधारणायात न्हय:ने त:गु दु । संविधान संशोधनयात मूल मुद्दा ज्वना चुनाव वनाच्वंगु संघीय समाजवादी फोरमपाखें प्रदेश, स्वायत्त क्षेत्र, संरक्षित क्षेत्र व विशेष क्षेत्र गुगु कथं तयादीगु उगु खं न्हयव्याचना ।

**प्रदेश:** १) लिम्बुवान, २) किराँत, ३) मधेस, ४) ताम्सालिङ, ५) शेर्पा, ६) नेवा, ७) तमुवान, ८) मगरात, ९) खसान, १०) थरुहट, ११) गैर भौगोलिक शिल्पी विशेष प्रदेश ।

**स्वायत्त क्षेत्र:** १) वालुवाङ स्वायत्त क्षेत्र, २) ताक्पेगोला स्वायत्त क्षेत्र, ३) याक्खा स्वायत्त क्षेत्र, ४) लेप्चा स्वायत्त क्षेत्र, ५) राजवंशी स्वायत्त क्षेत्र, ६) सन्थाल स्वायत्त क्षेत्र, ७) किसान स्वायत्त क्षेत्र, ८) धिमाल स्वायत्त क्षेत्र, ९) उराँव भागड स्वायत्त क्षेत्र, १०) ताजपुरीय स्वायत्त क्षेत्र, ११) गन्नाई स्वायत्त क्षेत्र, १२) वोटे स्वायत्त क्षेत्र, १३) दनुवार स्वायत्त क्षेत्र, १४) सिङसा स्वायत्त क्षेत्र, १५) सुनवार स्वायत्त क्षेत्र, १६) हायु स्वायत्त क्षेत्र, १७) जिरेल स्वायत्त क्षेत्र, १८) थामी स्वायत्त क्षेत्र, १९) ह्योल्मो स्वायत्त क्षेत्र, २०) चेपाङ स्वायत्त क्षेत्र, २१) लाकें स्वायत्त क्षेत्र, २२) सियार स्वायत्त क्षेत्र, २३) बराम स्वायत्त क्षेत्र, २४) पहरी स्वायत्त क्षेत्र, २५) बाह्रगाउले स्वायत्त क्षेत्र, २६) ल्होपा स्वायत्त क्षेत्र, २७) थकाली स्वायत्त क्षेत्र, २८) छत्त्याल स्वायत्त क्षेत्र, २९) डोल्पा स्वायत्त क्षेत्र, ३०) व्यासी स्वायत्त क्षेत्र, ३१) भोटे स्वायत्त क्षेत्र, ३२) राजी स्वायत्त क्षेत्र

**संरक्षित क्षेत्र:** १) सुरेल संरक्षित क्षेत्र, २) थुदाम संरक्षित क्षेत्र, ३) मेचे संरक्षित क्षेत्र, ४) राउटे संरक्षित क्षेत्र, ५) कुलुवाडिया संरक्षित क्षेत्र, ६) दराई संरक्षित क्षेत्र, ७) मार्फाली थकाली संरक्षित क्षेत्र, ८) दुरा संरक्षित क्षेत्र, ९) मुगाली संरक्षित क्षेत्र, १०) ताडवे संरक्षित क्षेत्र, ११) तिनगाउँले संरक्षित क्षेत्र, १२) कुसुन्डा संरक्षित क्षेत्र, १३) वनकरिया संरक्षित क्षेत्र

**विशेष क्षेत्र:** १) कुमाल विशेष क्षेत्र, २) माभी विशेष क्षेत्र, ३) भुजेल विशेष क्षेत्र, ४) धानुक विशेष क्षेत्र

## पांगाया माओवादीया चुनावी सभा



### ज्वजलपा वा:पौ

मंसिर २१ गते जूवनाच्वंगु प्रतिनिधि सभा व प्रदेश सभाया चुनाव्य व्वतिका:पिं पार्टीया उम्मेदवार पिनसं चुनाव प्रचारया अभियानय् थीथी कथं चुनाव प्रचार याना वयाच्वंगु दु । थ्वहे भवलय् येँ जिल्ला क्षेत्र नं.१० य् नेपाली कांग्रेसं म्हिग मंसिर २ गतेनिसं घरदैलो ज्याभव: न्ह्याकूगु दुसा वाम गठबन्धनं कोणसभाय् व: बिया: वयाच्वंगु दु । जिमित प्राप्त जूगु सूचं कथं मंसिर ३ गते आइतवा:निसं वाम गठबन्धनं घरदैलो ज्याभव: न्ह्याकीगु जूगु दु ।

मंसिर २ गते शनिवा: म्हिग:वामगठबन्धनं पांगाया पाघुली उम्मेदवार म्हसिका व अन्तक्रिया ज्याभव: यात । सरव कुमार महर्जनं न्ह्याकादीगु उगु ज्याभव:या सभानायो ज्ञानवहादुर महर्जन ख:सा मूपाहाँ प्रतिनिधि सभाया उम्मेदवार हितमान शाक्य, विशेष पाहाँ प्रदेश सभा क या उम्मेदवार दिलिप महर्जन जुयादीगु ख: । बैकुण्ठ महर्जनं लसकुस न्वचू बियादीगु ख:सा, वाम बुद्धिजीवी रमेश मान महर्जन, ज्येष्ठ नागरिक क्लबया सचिव अर्जुन महर्जन न्ववानादीगु ख: ।

थ:गु नुग: खं तयेगु भवलय् प्रदेश सभा क या उम्मेदवार दिलिप महर्जनं नेकपा एमाले व माओवादी केन्द्र मिलय् जुया वाम गठबन्धन दयेका: मंका: चुनाव ल्वानाच्वनागु खं कनादिसं नेपालय् वामत विभाजित जूगुलिं नेपाली कांग्रेसं फाइदा कयाच्वंगु ख: । आ: वाम एकता जूवलय् वाम उम्मेदवारपनिगु जीत सुनिश्चित जुगु दु । न्हापां बहुदल वयेधुंका: न्हापाजूगु स्थानीय चुनावय् पांगाया तत्कालीन चौथो महाधिवेशन व एमाले मिलय् जुया चुनाव ल्वा:वलय् विष्णुदेवी गाविस व बालकुमारी गा.वि.स. निगुलीनं वाम एकता त्या:गु ख: धयादिसं आ: हानं इतिहास दोहोरय् जूगु दु धयादिल । वय्कलं राजन के.सी. धेवाया बलं चुनाव त्याकेत जुयाच्वंगु दु । वय्क: सांसद जुया व:गु दैय् ३ स्वंगू करोड दाँ वच्छि, थ:म्हं कमिशन नया: वच्छि हे ज्या या:गु मदु । उकिया हिसाव किताव जनताया न्ह्योने वयेमा: धका: हाथ्या बिया दिल ।

प्रतिनिधि सभा क्षेत्र नं.१० या उम्मेदवार हितमान शाक्यं नेपाली कांग्रेसया गबले गबले बहुमत बल उबले उबले प्रजातन्त्र दरवारय् ल:ल्हा:गु दु । नेपा:मितसं कांग्रेसयात २०१५ सालं दुई तिहाई बहुमत बिल । प्रजातन्त्र राजदरवारय् बुझय् यानाविल । अथे हे २०४८ सालं बहुमत बिल । इमिहे ल्वापु जुया: मध्यावधि चुनाव जुल । अन्व: सत्ता चलय् या:म्ह नेपाली कांग्रेस ख: । इमिसं देशय् दुगु कलकारखाना मिया: देय्यात हरिकंगाल दयेका बिल । आ: वाम गठबन्धनं दुई तिहाई सिट हइगु निश्चित जूगु दु । देय्या समृद्धिया लागि स्थिर सरकार मा: । व सरकार वाम गठबन्धनं विइ । उकिं वाम गठबन्धनयात त्याकेत इनाप यानादिल ।



मू ३०१-तका जक

स्वापू: ९८४१७५२५८३

व ९८४४४८२१४६

### बखुमद: जात्रा

### (न्हय्गां जात्रा) सफू

येँ नं दक्षिण पश्चिमपाखेया न्हय्गां जात्रा (बखुमद: जात्रा) किपू, पांगा, नगां, व्वसिगां, मच्छेगां, ल्हंखा व सतुंग: जात्रा ।

थुगुसी वइगु मंसीर १० गते आइतवा:

(ने.सं. ११३८ थिलाथ्व अष्टमी)

निसं सुरु जुइ ।

न्हय्गां जात्राया बारे सफू व्वनादिसं

**संघीय समाजवादी फोरम नेपाल, चुनाव चिन्ह हातले उठाएको मसाल पटक पटक जितायौ अरुलाई, यो पटक जिताऔं आफ्नोलाई**

**मसाल चिन्हमा छाप लगाऔं, क्षेत्र नं. १० लाई विकास गरौं ।**

**चुनाव चिन्ह** (स्व)

**रामलाल श्रेष्ठ**  
प्रतिनिधि सभाको  
प्रत्यक्ष उम्मेदवार  
क्षेत्र नं. १०

**चुनाव चिन्ह** (स्व)

**रामेश्वरी प्रधान**  
समानुपाटीक उम्मेदवार प्रदेश सभा  
प्रदेश नं. ३

**चुनाव चिन्ह** (स्व)

**देव कुमार महर्जन**  
उम्मेदवार  
प्रदेश सभा (ख)  
क्षेत्र नं. १०